



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

Broj: 01-GV-02-145-2.1/23  
Datum, 25.01.2023. godine

Shodno odredbama člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08) i člana 148. Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20), na 23. sjednici Gradskog vijeća Grada Sarajeva, održanoj dana 25.01.2023. godine, **gradska vijećnica Amra Zulfikarpašić** uputila je **inicijativu**, evidentiranu pod brojem 01-GV-02-145-2/23, a koja je u prilogu ovog akta.

*PREDSJEDAVALJUĆI GRADSKOG VIJEĆA*

*Jasmin Ademović, s.r.*

Prilog: Inicijativa

Dostaviti:

- Gradonačelnici,
- evidenciji,
- a/a.

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba



Bosna i Hercegovina  
Federacija Bosne i Hercegovine  
Kanton Sarajevo

Grad Sarajevo  
Gradsko vijeće

n/r Predsjedavajući Jasmin Ademović

**PREDMET: Vijećnička inicijativa**

Poštovani,

shodno odredbama člana 19. Poslovnika Gradskog vijeća Grada Sarajeva, koji propisuje pravo vijećnika da podnosi inicijative, upućujem vijećničku inicijativu za finansijsku podršku u realizaciji projekta sanacije prostorijske galerije Collegium artisticum - izložbenih, kancelarijskih, te prostora depoa i magacina kao i ostalih pomoćnih radnih prostora.

**OBRAZLOŽENJE:**

U novembru 2022. godine započela je djelimična sanacija galerijskog prostora Collegium artisticum koji je u ratnom i poslijeratnom periodu pretrpio ogromnu štetu. S obzirom na to da je stanje tako kritično pokrenut je projekat sanacije prostora da bi se sačuvao od potpune devastacije što bi bila nesaglediva šteta za kompletnu kulturno-umjetničku scenu u našem gradu i našoj državi!

Planirani projekat sanacije obuhvatio je radove na hidroizolaciji krova galerije i građevinsko-zanatske radove u enterijeru koji uključuju sanaciju električnih instalacija i rasvjete, spuštenu stropa, zidova, poda i staklenih površina, zamjenu kancelarijskog namještaja kao i restauraciju mobilijara i namještaja u prostoru kluba galerije, a ukupan proračun projekta iznosio je preko 750.000,00 KM. Zahvaljujući Vladi i Ministarstvu kulture i sporta Kantona Sarajevo, galeriji su obezbijedena sredstva u iznosu od 260.000,00KM koja su utrošena na izvođenje građevinsko-zanatskih radova u enterijeru (sanacija električnih instalacija, spuštenu stropa, zidova, poda i toaleta).

Ovom inicijativom skrećem pažnju na važnost ovog prostora koji okuplja hiljade umjetnika i otvara vrata svemu što podstiče duhovnu i kulturnu klimu u Sarajevu i Bosni i Hercegovini, te pozivam na hitnost da se uključimo u ovaj, prvi istorijski poduhvat i da u skladu sa finansijskim mogućnostima učestvujete u jednom od dole navedenih potrebnih radova kako bi se galerija u potpunosti mogla staviti u funkciju:

- sanacija staklenih površina u galeriji (portala, prozora, vrata) u iznosu od cca **50.000,00 KM**
- sanacija prostora depoa, magacina i ostalih radnih prostora u iznosu od cca **80.000,00 KM**
- hidroizolacija platoa i AB kaskada iznad galerije cca 2000 m<sup>2</sup> platoa **iznad stropa galerije** u iznosu od **670.420,88KM**
- zamjena kompletnog kancelarijskog namještaja (ormari, stolovi) u iznosu od cca **30.000,00 KM**
- restauracija i zamjena mobilijara i namještaja u prostoru kulturnog kluba galerije koji osim upotrebne vrijednosti ima nezanemarljivu umjetničku, dizajnersku vrijednost u iznosu od cca **25.000,00KM**

Bosna i Hercegovina - Federacija Bosne i Hercegovine  
Kanton Sarajevo - GRAD SARAJEVO  
GRADSKO VIJEĆE

Prislati dani: 26 JAN 2023			
Org. jvl.	Red.	Priloga	Urednik
01-GV-02-		195-2/23	

Galerija Collegium artisticum osnovana je 1975. godine i svečano je otvorena 6. aprila, na Dan oslobođenja grada Sarajeva, kolektivnom izložbom članova i članica tri umjetnička udruženja Bosne i Hercegovine: ULUBIH (Udruženje likovnih umjetnika), ULUPUBIH (Udruženje likovnih umjetnika primijenjenih umjetnosti i dizajnera) i AABIH (Asocijacija arhitekata).

Od svog osnivanja do danas, galerija Collegium artisticum, kao najveća galerija na prostoru bivše Jugoslavije, predstavlja relevantno izlagačko mjesto i jedan od centara okupljanja umjetničke, intelektualne i kulturne scene. Tokom 47 godina postojanja i kontinuiranog rada na promociji vizuelnih umjetnosti i kulture, u galeriji su održane mnogobrojne individualne i kolektivne izložbe i drugi kulturni događaji lokalnog, regionalnog i međunarodnog karaktera i značaja (kamerni koncerti, pozorišne predstave, promocije knjiga, stručni skupovi i okrugli stolovi sa aktualnim temama iz kulture, prezentacije i diskusije iz oblasti društvenog djelovanja i umjetničkog stvaralaštva, sajmovi knjiga, etc.), uključujući neke od najznačajnijih projekata u bivšoj Jugoslaviji kao što su "Umjetnost u Jugoslaviji 1970-1978", "Umjetnost-kritika usred osamdesetih", "Jugoslovenska Dokumenta". Svojom dinamičnom aktivnošću i programom - galerija nastoji da prati sve aktuelne tokove savremene umjetničke i kulturne scene sa ciljem da otvori prostor za sve inicijative koje podstiču duhovnu i kulturnu klimu u Sarajevu i Bosni i Hercegovini.

Galerija Collegium artisticum ima neosporan dignitet kao prostor od posebnog interesa za Grad i BiH koji kroz svoju dugogodišnju tradiciju njeguje kulturno-istorijsko nasljeđe kao temelj državnosti Bosne i Hercegovine. **Važno je napomenuti i da je u aprilu 2022. jednoglasno dopunjena „Strategija razvoja Grada Sarajeva 2021. – 2027. „ rješenjem Iz prihvaćenog amandmana Odbora za društvene djelatnosti da se u dijelu u kome se razrađuje put do strateškog cilja – Grad filma i kreativnosti, uvrsti i nova mjera „Podrška Collegium artisticum“**

Za doprinos razvoju i afirmaciji likovnog stvaralaštva, muzičke i književne umjetnosti, galerija Collegium artisticum je odlikovana Šestoaprilskom nagradom Grada Sarajeva.

Gradska vijećnica  
Amra Zulfikarpašić

Sarajevo, 26.01.2023. godine